

ጾዎች ማድ"ም ዳኪንቴ ጳውሎስ ተቶም ዳኬ ኪኢቶ" ዓይያ ካር"

ተቶ ዓይሁዳ ማዲባኦ ዓሲታጋ ኪሪሰቶሴ ጉሙርቂ ለአሚንቴ ዓሲ ማዓዛ፣ ጳውሎስና ዋላ" ኮዦ ሃይሶ ኬኤዚያ ማድ" ዓዛዝ ደማ" ማዲ ማዳያኬ፤ ጳውሎስ ሓያ ኪኢቶ" ፃኣፔሢ' ዴጌ ናይታጋ ዒዛና ዋላ" ማዳ ተቶም ማዓዛ ተቶ ዩኖ ዋዶ"ና ቁርዳሴይዳ ዓኣ ሺኢጲያ ማኣሮ ማድ" ሃንቲ ሃንቲ ዛጋያኬ። ሃና ኪኢታ" ሃይሃ ዴኤፕ ዴኤፕ ማሊሢ ዓርቁያኬ።

ፔታሳጋ፡- ቁርዳሴ ሺኢጲያ ማኣሮ ዓሶ ዋይሃ ዓሶኮ ማሊያ ዋማዒ ማዓንዳያ ኮይሳቴያ ባሼ ዒኢካ ዓኣ ዓሶኮ ፑርቶ ማሊያፓ ዒቁያና ዋይሃ ዓሳ ዋማዒ ማዓንዳያ ኮይሳቴያ ተቶም ላቲ" ኬኤዚንቴኬ፤ ለምዓሳጋ፡- ሺኢጲያ ማኣሮይዳ ዓኣ ዱማ ዱማ ዓሶ ጌይጋ ዓቲንቆ ጋርቾ፣ ለኣሎ ጋርቾ፣ ዴጌ ዓቲንቆንታ ዓሶም ማዳ ዓሶንታ ዋማይዲ ዒ ዔርዛንዳቴያ ተቶም ዘርናያኬ፤ ጋፒንጋይዳ ኪሪሰቶሴ ጉሙርቂ ዓሶኮ ዓኣያ ማዓኒ ኮይሳ ማሊሢ ኬኤዛኬ፤ ዩይያ፡- ዓሲና ኮሽኪ ዒጊንቲ ናንጎንዶ ጎይሢና ሺኢጲያ ማኣሮ ዓሶ ባኣካ" ዋሊ ዒዳሢንታ ማርሞንታ ዱማዲሢንታ ባኣያ ማዒ ናንጋንዳጉዲ ዓሶ ዘርም ጌይ ተቶ ዓይሃያኬ።

ማፃኣፔላ ዱማ ዱማ ዓርቁ ባኮ

- ዓይያ ካር" 1፡1-4
- ሺኢጲያ ማኣሮ ዋይሃ ዓሶ ዛላ ኬኤዚንቴ ባኣዚ" 1፡5-16
- ሺኢጲያ ማኣሮይዳ ዓኣ ዱማ ዱማ ዓሶ ዛሎ" ኬኤዚንቴ ባኣዚ" 2፡1-15
- ጳውሎስ ዘሬ ዘር"ና ላቲ" ኬኤዜ ባኮ 3፡1-11
- ጋፒንሢ ሓይሴ 3፡12-15

1 ጾኦሲም ማዳያ ሃሃ ዩሱስ ኪሪሰቶሴ ማድ"ም ዳኪንቴያ ማዒ፣ ጾኦሲኮ ዶኦሪንቴዞንሢ ጾኦሲ ጉሙርቁያ ዛሎ" ኬኤዚ ማኣዳ"ኒና ጾኦሲ ካኣኮኮ ጎኑም ዔርዛኒ ዶኦሪንቴ ጳውሎስይዳፓ፡-

2 ዔያቶኮ ናንጊና ናንጊኮ ሃጊ ማዓንዳ ዋዛ ዓኣያ ማዓንዳኬ፤ ጾኦሲ ሚርጌ ዋዴኮ ቤርታ ዒንጋኒ ጫኣቁ ናንጊና ናንጎ ዔያታ ዴንቃንዳኬ። ጾኦሲ ፔቴ"ታጋ ሉኡቁዋሴ።

3 ዬና ዎዳ" ሄላ"ዛ ያኦሲ ዬያ ፔ ቃኦሎ"ና ፔጋሲ ዳዌኔ፤ ዬይ ቃኦላ" ታ ማዳንዳጉዲ ታኦም ዒንገንገቴሢሮ ኦና ዳቂሻ ያኦዛሢ ዒይሢያ ጎይያ ታ ኬኤዛኔ።

4 ኦኦኒ ሲያሢ ጉሙርቃ፣ ያኦሲ ጉሙርቂያ ዛሎ"ና ታኦኮ ጎኔ ናዒሢ ማዕ። ጥቶም፤

ያኦሲ፣ ዳዳሢና ኦና ዳቂሻ ዬሱሰ ከሪሰቶሴናይዳፓ ማዕ ኮሹሞ ዒንገይና ዎዛና ኔኤም ማያንጎ።

ጥቶ ቂርጻሴይዳ ማዳንዳጉዲ ዒይሢንገቴ ባኮ

5 ታ ኔና ቂርጻሴይዳ ሃሼ"ሢ ዒኢካ ፓጩ ባኮ ከንሣንዳጉዲና ኔ ማዳንዳጉዲ ታ ኔኤም ዒይሢ ጎይያና ሺኢጲያ ማኦር ጨሞ ካታሞይዳ ካታሞይዳ ኔ ዶኦራንዳጉዲ ገዒኬ።

6 ሺኢጲያ ማኦር ጨማ፡- ዶንከንጉቆያና ፔቴ" ላኦሊ ዔኬያ፣ ዒይሢንገቴቆያ ማዒሢና ገንሣ ሃሣ ማቾ ማዒባኦያና ላሂ ላሂ ፔ ሱ"ንያ ፑርቲሱቆያ፤ ዬያጉዲ ሃሣ ናኦታ" ዒዛኮ ከሪሰቶሴ ጉሙርቃያ ማዒኒ ኮይሳኔ።

7 ሺኢጲያ ማኦር ዎይሣ ዓሳ፡- ያኦሲ ማዶ" ማዳንዳጉዲ ጉሙርቂ ዒንጎና ዓሲ ማዒሢሮ ዶንከንጉቆ ዓሲ ማዒኒ ኮይሳኔ፤ ጌይያ፡- ሄርሺንጉቆያ፣ ዑኬና ዳጋዲቆያ፣ ዑሸኪ ማሢንጉቆያ፣ ዓሲና ዠሉቆያ፣ ዔርቱቆ ጎይሢና ፔና ማኦዳ"ንዳ ባኦዚ" ዔካኒ ኮውቆያ፤ ጌይያ፡- ሚኢሼር ጎይቂቆያ ማዒኒ ኮይሳኔ።

8 ዬያይዳፓ ሾኦቹ ዔካያ፣ ኮሺ ማዕ ባኦዚ" ናሸካያ፣ ፔና ዔሪ ዎይሣያ፣ ፒዜ ዓሲ፣ ዒናና ዓኦ ዓሲ ሃሣ ኮይሳ ጎይሢ ናንጋያ ማያንጎ።

9 ዒ ዔሬ ጎይያጉዴያና ጉሙርቂንታያ ማዕ ከኢቶ" ኮሺ" ዓርቃያ ማዒኒ ኮይሳኔ፤ ዬያይዲያና ሜሌ" ዓሶ ዘራኒና ዬያ ዒፃ ማካ ዓሶቀ ጎራ"ኒ ዒ ዳንዳዒ።

10 ዒይጎር ጌዔቴ ዓይሁዶ ፃጳፓ ማዕያ፣ ዒይሢንገቴቆያ፤ ሃሣ ጉሪ ጌሰቲ ጌሰቲ ሺራ ጌሻ ሚርጌ ዓሲ ዓኦሢሮከ።

11 ዬያ ዓሶ ዚቲዳኒ ኮይሳኔ፤ ዒይጎር ጌዔቴ ዔያታ ፒዜ ማዒባኦ ጎይሢና ሚኢሼር ጎይቂ ጎይቂ ዔርዘኒ ኮይሱሞ ባኦዚ" ዔርዚ ዔርዚ ፔቴ" ማኦር ዓሶ ካራና ፑርቲሳኔ።

12 ዔያቶኮ ዠይሰኬይ ዔያቶ ዛሎ" ኬኤዛያ፡- «ቂርጻሴ ዓሳ ሲያ ዎዶ ሉኡቃያ፣ ፑርታ ሲያ ማዕያ፣ ሃሣ ሴልፃዲና ሙኡዚ" ዓሲኬ» ጌዔኔ።

1:4 2ቆ. 8፣23፤ ጋላ. 2፣3፤ 2ፃሞ. 4፣10። 1:9 1ፃሞ. 3፣2-7።

- 13 ዬያ ዓሢኮ ማርካታ ጎኔኬ፤ ዬያሮ ፒዜ ዔያታ ያኦሲ ጉሙርቋያ ማዓንዳጉዲ፥
- 14 ዓይሁድ ዓሶኮ ኬኤዚ ሺሮ ሓይሶ ዔያታ ዔኩዋጉዲና ጎኔሞ ዒዳ ዓሶ ዘሮ" ዔያታ ዋይዙዋጉዲ ኮሺ" ዔያቶ ጎሬ።
- 15 ዒኖ ጌኤዦ ዓሶም ቢያ ባኣዚ" ጌኤሺኬ፤ ዒኖ ፑርቶ ዓሶና ያኦሲ ጉሙርቁዋያ ዓሶም ጋዓንቴ ጌኤሺ ማዔ ባኣዚ" ባኣሴ፤ ጉቤ ዔያቶኮ ዒኖና ማሊያና ፑርቴያኬ።
- 16 ዔያታ፡- «ኮኤኒ ያኦሲ ዔራኔ» ጋዓኔ፤ ዔያታ ማዳ ማዳ"ና ጋዓንቴ፡- «የኦሲ ኑ ዔራዋሴ» ጋዓ ዓሲ ማዓኔ፤ ዋይቲ ጌዔቴ ዔያታ ዓሢ ዓሲ፥ ዓይሢንቴዋ ዓሲ፤ ሃሣ ፔቴ"ታዎ ኮሺ ማዳ ማዳኒ ዳንዳዑዋያ ማዔሢሮኬ።

2

ፒዜ ማዔ ዔርዚሢ

- 1 ኬኤኒ ጋዓንቴ ፒዜ ማዔ ዔርዚያና ዋላ" ጊኢጋያ ማዔ ባኣዚ" ዔርዜ፤
- 2 ዓቲንቆ ጋርቻ፡- ኮይሳ ጎይያ ናንጋያ፥ ፔ ቦንቾ ካፓያ፥ ዔኤቢ ዔሪ ማዳያ፥ ያኦሲ ጉሙርቁሢና ናሹሞዋ ዓኣያ ሃሣ ጊቢ" ዳንዳዒሢና ዶዲ ዓሲ ማዓንዳጉዲ ዔያቶ ዘሬ።
- 3 ዬያጉዲ ሃሣ ላኣሎ ጋርቻ፡- ኮይሳ ጎይያ ናንጋያ፥ ቦንቾ ፔኤሲ" ካፓያ፥ ዓሲ ዶንኩዋያ ሃሣ ዑሺ ናሽካያ ማዑዋጉዲ ዔያቶ ዘሬ፤ ዬያይዳፓ ዔያታ ኮሺ ማዔ ባኣዚ" ሜሌ" ዓሶ ዔዔርዚያ ማዎንጎ፤ ዬይያ፡-
- 4 ሎዔ ዴጌ ላኣላ ፔኤኮ ዓኒንሢና ናኣቶ"ና ናሽካንዳጉዲ፥
- 5 ዔኤቢ ዔሪ ማዳያና ዒኔ ጌኤሺ፥ ማኣሪ ማዳ ማዳያ፥ ኮሺ ማዔያ፥ ፔኤኮ ዓኒንሢም ዓይሢንቴዎ ማዓንዳጉዲ ዔያታ ዔርዚንጎ፤ ዴጌ ላኣላ ያዲዴቴ ያኦሲ ቃኣሎ" ቦሃንዳ ዓሲ ባኣሴ።
- 6 ዬያጉዲ ላኣሎ ዔኬ ዓቲንቆ ዴጌሢ" ፔና ዔሪ ዋይሃንዳጉዲ ዔያቶ ዘሬ፤
- 7 ኬኤኒ ቢያ ባኣዚ"ና ኮሺ ባኣዚ" ማዲ ማዲ ዔያቶም ኮኣኪንሢ ማዔ፤ ኔ ዔያቶ ዔርዚ ዋዶ"ና ኮይሳ ጎይሢና ናንጊሢ፥ ጎኔ ሓይሴ ጌሰቲሢ፥
- 8 ዴንኪንቴዋ ኮሺ ጌኤሲ ዔያቶም ዳዌ፤ ዬያይዲያና ኑና ዒዳ ማካ ዓሳ ኑጊዳ ጌሰቶንዶ ፑርታ ባኣዚ" ዴንቁባኣ ዋዶ"ና ቦርሲንታንዳኔ።
- 9 ማዳ ዓሳ ማዳሻ ዓሶም ዓይሢንታንዳጉዲ፥ ቢያ ባኣዚ"ና ዔያቶ ዋዳጎንዳጉዲ ሃሣ ፑርታ ዑኡሲያ ዔያቶም ማሁዋጉዲ፥

10 ወይም ዓሰኮ ዓኣ ባኮዋ ወኡቁዋጉዲ ዞሬ፤ ኑና ዳቂሻ ጾኦዛሂኮ ዔርዚፃ ቢያ ባኣዚ"ና ቦንቸንጉንዳጉዲ ቢያ ዎዴ ጉቤ ዒናፓ ጉሙርቁንታያ ዔያታ ማዎንጎ።

11 ጾኦሲ ዓሲ ቢያ ዳቂሻ፣ ኮሹሞ ዒንገሢ ፔጋሲ ዳቁኔ፤

12 ዬይ ኮሹሞ ዒንገፃ' ጎሜ ዓሲ ማዒሢና ዓሲ ማለሢ ሱኡኬ ኑ ሃሻ"ንዳጉዲና ኑና ኑ ዔሪ ዎይሥሢና፣ ሃሃ ጸሉ"ሞና ገንሣ ዓያናና ዓኣ ዓሲያ ማዒ ሓያ ሳፆይዳ ኑ ናንጋንዳጉዲ ኑና ዔርዚ።።

13 ዬያይዲ ኑ ዓንጂንቴ ኑኡኮ ሃገ ማዓንዳ ዎዞ" ካፓኔ፤ ዬይ ኑኡኒ ካፓ ሃገ ማዓንዳ ዎዞ፣ ዴኤፖ ኑኡኮ ጎዳሢ፣ ኑና ዳቂሻ ዬሱሰ ኪሪሰቶሴኮ ቦንቸና ሙኪ ጴዲያኬ።

14 ኪሪሰቶሴ ፑርታ ባኣዚ" ቢያይዳፓ ኑና ዳቂሻኒና ኮሺ ማዶ ማዳኒ ጎኡባ ማዔያ ሃሃ ዒዛሞ ኑ ዲማዴያ ጌኤሺ ዓሲ ማዓንዳጉዲ ኑና ጌኤሻ"ኒ ኑ ጋይቴ ፔና ዓኣሢ ዒንጌኔ።።

15 ዓካሪ ሃንሢ ባኮ ዔርዚ፤ ጉቤ ማዔ ቢታንቶና ዓሰ ዞሬ፣ ሃሃ ጎሬ፤ ጾኦኒያ ኔና ቦሆፓ።።

3

ኪሪሰቶሴ ጉሙርቃ ዓሲ ማዳንዳ ማዶ

1 ዓሳ ቢያ ወይም ዓሰና ቢታንታ ዓኣ ዓሰናም ሹሌዑሞና ዓይሢንታንዳጉዲ ሃሃ ኮሺ ማዶ ቢያ ማዳኒ ገኢጌያ ማዓንዳጉዲ፣

2 ዎ ዑሢዳኣ ፑርታ ባኣዚ" ጌሰቱዋጉዲ ዔያቶም ላቲ" ኬኤዜ፤ ዬያይዳፓ ዓሲና ዎላ" ፑርቱዎያ፣ ኮሺ ዓሲ ሃሃ ጎኔ ዒናፓ ዓሲ ቢያም ሹሌዓያ ማዎንጎ፤

3 ኑኡኒ ሃያኮ ቤርታ ማለሢባኣያ፣ ዔኤያ፣ ዓይሢንቲ ዒፃያ፣ ዳቢንቲ ጌሺንታያ፣ ዲማ ዲማ ፑርቶ ኑ ማሊያ ሱኡኮ ኩንሣያ፣ ጌኔ ማዶ ማዳያ ሃሃ ቁኢራያ፣ ዑራዳያና ዎሊ ሴካና ሃንጋና ዒፃያ ማዒ ኑ ናንጋያኬ።።

4 ጋዓንቴ ኑና ዳቂሻ ጾኦዛሂኮ ኮሹሞና ናሹሞና ፔጋዴ ዎዶ"ና፣

5 ኑ ማዶ ጸሉ"ሞ ማዶናቱዋንቴ ፔኤኮ ማኣሪዎና ኑና ዒ ዳቂሹኔ፤ ኑና ዒ ዳቂሹሢያ ላሚ ሸይንቲሢ ማዔ ማሰቲሢና ዓያኖ ጌኤኮ ዞሎ"ና ጴዴ ላኣሚንቲናኬ።።

6 ጾኦሲ ኑና ዳቂሻ፣ ዬሱሰ ኪሪሰቶሴ ዞሎ"ና ፔኤኮ ዓያኖ ሚርጌና ኑም ኬይሴኔ።።

2:14 ዓይኑ. 130፣8፤ ኬሲ. ማፃ 19፣5፤ ላሚ. ዎማ 4፣20፤ 7፣6፤ 14፣2፤ 1ጴ፩. 2፣9።

7 ዬያ ዒ ማዳሚ' ዒዛኮ ኮሹሞ ዒንጊያና ኑ ደሊ"። ሃጊ ማዓንዳ ዋዛ ማሂ ኑ ካፓ ናንጊና ናንጎዋ ኑ ዳንቃንዳጉዲኬ።

8 ሃይ ታ ኔኤም ኬኤዜ ባካ ቢያ ጎኔ ባኣዚ"ኬ።

ፆኦሲ ጉሙርቃ ዓሳ ቢያ ኮሺ ማዶ ዶዲ ማዳንዳጉዲ፣ ሓያ ታ ኔኤም ኬኤዜ ባካ ቢያ ዶዲሺ ዔያቶም ኔ ኬኤዛንዳጉዲ ታ ኮዓኔ፤ ዬይ ባካ ኮሺ ማዔያ፣ ሃሃ ዓሲም ኮይሳ ባኣዚ"ኬ።

9 ጋዓንቴ ፓሡዋ ማርሞይዳፓ፣ ዓሲኮ ዜርሂ ፓይዲ ሺሪያይዳፓ ሃሃ ዓሲና ዣሊሂና ሙሴ ዔርዜ ዋጎ ዛሎ" ዔቃ ጎሪ"ንቴዳፓ ሃኬ፤ ዓይጎር ጌዔቴ ዬይ ባካ ፓሃ ባኣዚ" ባኣያና ጉሪ ማዔ ባኣዚ"ታሂሮኬ።

10 ሺኢጲያ ማእሮ ዓሶ ዋሊፓ ዲማሳ ዓሲ ፔቴ"ና ዘሬ፤ ዬካፓ ሃሃ ለሚ ለቲ ዒዛም ኬኤዜ፤ ያፓ ዑሃ ዓኣጴቴ ጋዓንቴ ዒዛና ዋላ" ፔቴ" ማዒፖ።

11 ዬያጉዴ ዓሲ ዣኣሌ ዓሲኬ፤ ዒ ጎሜ ማዳሂሮ ፔ ዑፃ ሜቶ ዔኪ ዬዓያ ማዔሂ ዔሬ።

ጋፒንሂ ዘሮ

12 ዓርዓማሴ፡ ሃንጎ ቲኪቆሴ ኔ ኮይላ" ታ ዳካዛ ኔኤኒ ታ ዓኣ ቤዘ፡ ኒቆጲሊዮኔ ዑኬና ሙኬ፤ ዓይጎር ጌዔቴ ባርጎ ታኣኒ ዒዘ ቤዘይዳ ዴዒ ዓኣሃኒ ማሌሂሮኬ።

13 ዋጎ ኮሺ" ዔራ ዜማሴና ዓጲሎሴ ጎያሂናም ኮይሳ ባኮ ቢያ ዒንጊ ጎይያ ዔያታ ዓኣዳንዳጉዲ ማኣዴ።።

14 ኑ ዓሶ ማዔ ዓሳ ማኣዳ" ባኣዚ" ባኣያ ማዒ ዓቱዋጉዲና ፔኤኮ ናንጎ ዔያታ ፔኤሮ ዳንዳዓንዳጉዲ ኮሺ ማዶ ማዳሂ ዔሮንጎ።

15 ታኣና ዋላ" ዓኣ ዓሳ ቢያ «ኮሺዳ?» ኔና ጋዓኔ፤ ፆኦሲ ጉሙርቃ ዓሶ ዛሎ"ና ኑና ናሽካ ዓሶም ቢያ «ዒንሂ ኮሺዳ?» ጌዔኔ፣ ጌዔ።

ፆኦሲኮ ኮሹሞ ዒንጊያ ዒንሂና ቢያ ማፆንጎ።

3:12 ዳኪ. ማዶ" 20፥4፤ ዓፕ. 6፥21-22፤ ቆላ. 4፥7-8፤ 2፻፵፱. 4፥12። 3:13 ዳኪ. ማዶ" 18፥24፤ 1ቆሮ. 16፥12።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1